

EDINAM MME UFEN EDQDIQN ESQN

Exodus 8:20-32; 9:1-12

OYQHQ UKPEP-NKPQ 54

Eke Mkpawara

IKQ IBUOT: “Ikpe owo oto Jehovah” (Mme Nke 29:26).

Ebiat Odudu Mbia-Idiñ

Ke ini oyqhq ufen ita okosimde Egypt, mme mbia-idiñ ema ekut ete mmimọ inyeneke odudu aba ndinam se Moses akanamde. Idem ekpri odudu oro mmọ ekenyenede ama okpu ndien ikopke aba nte mmọ etqñqde ntak enam utibe-nkpq.

Edi Abasi qkqtoñq ndiwut utibe odudu Esie ke ndinam utibe-nkpq. Nnyin imeti ite ke Enye ama etiñ ete ke Imọ iyewut nditọ Egypt Enye emi edide Abasi; ndien nte mmọ esuk esqsñ esit mmọ ye Enye, Enye akaka iso qnq ufen eke okponde akan.

Esañ Abasi Idighe Esañ Mbia-idiñ

Ke akpa utibe-nkpq, Abasi qkqtoñq Moses qduqk esañ esie ke isqn, ndien enye ama akabare edi uruk-ikqt. Ke akpa udiana ufen, enye akañyan esañ ke mmqñ; ndien ke oyqhq ufen ita Moses akamia esañ ke isqn, ndien obu akabare idañ. Edi ke mme ufen ita efen eke etienede, nnyin ikopke nkpq ibaña esañ. Esañ emi ikenyeneke odudu ke idemesie ndinam baba utibe-nkpq kiet; edi ekedi odudu Abasi emi okodude ke esañ emi, akada se owo mikpekemeke ndinam anam. Ke ini Abasi akadade ufen nsuñ esin ndik ke isqn, Enye ama qdohq ete ke mmọ eyedu ke ndañ-nsiere; ndien ama edi ntre ke ini Moses mikqñqho uyo. Odudu Abasi iketreke ke ndida esañ nnam nkpq.

Edidianare Ikqt Abasi Nnim

Ema efiak ekut eriyarare odudu Abasi ke obufa ufen emi. Eketie nte ke akpa ufen ita oro ama osim nditọ Hebrew; edi ke ini ufen ama okokpon akan, Abasi akabahare ikqt Esie ye nditọ Egypt, onyuñ afak mmọ osio ke ndutuhq emi mme asua Abasi ekenyenede ndisaña mbe ke esit.

Edieke emi ekpekedide ufen efen emi ekenyenede nditiene, emi ekedide udqñq emi okowotde mme ufene, owo ekpekeme ndidohq ete ke enye ikasuanake ikosim isqn Goshen. Anie ekeme ndibiñq nsuñ ndika qtq nte mmọ emama? Ata akwa otu nsuñ ema edu; mmọ ema eyqhq ke mme ufq ye ke kpukpru isqn. Adaña ikoduhe ke ufqt Goshen ye isqn Egypt eke nsuñ ekpekutde. Ntak emi akwa akpa emi okponde ke ediwak tqsin ibat itiat mitqho isqn akpan-akpan ke una-isqn emi baba nkpq kiet mikpanke mmọ ndibe? Koro Abasi qdohq ete, “Mi ke afo edisim, edi ubehe do: ndien mi ke edinyuñ enim adaña eq iseri odut fo” (Job 38:11). Nditọ Egypt ekenyene ndikpep kaña mfiq enye emi edide Qkpsñ Abasi! Ke ntre Abasi ama onim nsuñ ke ebiet eke Enye okoyomde mmọ edu.

Erinyime Pharaoh Ubak-Ubak

Nsuñ ema enam Pharaoh okut ukut eti-eti, ndien enye qkqtoñq ekekot Moses ye Aaron ete edi edimen ufen emi efep. Enye qkqñwqñq qnq mmọ ete ke mmọ ekeme ndifq uwa mmọ; edi enye okoyom mmọ etie ke isqn Egypt enam oro. Nditọ Israel ikekemeke ndinam oro ye ediwak ntak. Ke akpa ifet, Abasi qkqtoñq mmọ ete eka ke akwa akai-ikqt, akana mmọ esuk ibuoq eq Enye ukem-ukem. Edikem, ke ini eqde nditọ Israel Ibet, Abasi eketiñ qsqñq ete ke Imọ iyomke nditọ Imọ ekpono Imọ ke ebiet ekededi, edi edidi ke ebiet eke Imọ idimekde (Deuteronomy 12:11; 14:23; 15:20; 16:2).

Ntak efen ekedi, nditọ Egypt ekekpono mme unam emi nditọ Abasi ekesidade eqq uwa; ndien edieke mme Jew ediwotde mme unam oro ke iso mme andiduñ obio oro, mmọ eyebq ufen eto mbio Egypt. Eketie nte Pharaoh ama okut mfaña mmọ, ndien ke akpatre, enye ama ayak mmọ eka ke akwa akai-ikqt edieke mmọ midikaha anyan usuñ. Edi ke ndo-ndo oro ema ekenam nduyip ekure – nduyip ikafiakke aba idu ke Abasi ama akatañ mmọ efep – enye ama qwqñqre qkpqñ eqñwqñq esie. Owo ikemeke ndinim eqñwqñq mme idiqk-owo ke akpaniq.

Owo Ikponoke Edisana Enañ

Mmọ emi ekpepde nkpq ebaña edu eset ema ekut se ekewetde ke Egypt emi etiñde ete, mbio Egypt ekekpono nsio-nsio abasi 2,200 ke nsukhqre nkaha. Kiet ke otu ata akpan nkpq mmọ, nte mmọ etiñde, ekedi ke ererimbot ke uduot enañ, ntre mme owo ikanaha ete ewot enañ ke ntak ndik mbak mmọ ediwot kiet ke otu mme abasi mmọ. Ke India mfin, eyak “edisana” enañ asaña ntre ke mme efak, ndinyuñ nduk ke mme ufq urua, oro inyuñ ifinake mmọ. Ke ini oyqhq ufen ition okosimde Egypt, kpukpru mme unam emi enyenede ufqn ema ekpaña, ye mme enañ mbio Egypt. Abasi nnyin ikakpañke utqn inq nke-nke abasi mmọ, edi abiat odudu emi mmọ ekekerede ete imenyene.

Pharaoh ama qfiq ete mme Hebrew eyom mme enañ ye eqñ ndida nnam uwa nq Abasi mmọ, ntre ke enye qkqtoñq owo ekese mme osuk odu ufene kiet ke Goshen ye uwem. Ndomo ufene mmọ kiet ikakpaha! Edi Pharaoh okosuk qsqsqñ esit ye Abasi, ikonyuñ inyimeke.

Imofiq ite ke mme owo edu mfin emi eyakde esit mmọ eq ndinam idiqk; ndien nte Abasi ananam mmọ ebe ke afanikqñ, ntre ke mmọ edqdiñq ebiara. Utu ke mmọ ekot Abasi eyom mbqm, ekabare esuñi Enye ke ntak afanikqñ. Nso utq utibe ubierikpe ana ebet utq mmọ emi!

Oyo Emi Atadeta Mbio Egypt

Ọyọhọ ufen itiokiet emi okosimde mbio Egypt ekedi oyo emi mikonyuñ isimke owo ikpọñ-ikpọñ, edi ama osim mme unam. Edieke akananam afo ọdọñde oyo, afo eyefiok ata utibe ubiak emi asañade ye ufen emi. Ikọ Abasi itiñke inọ nnyin me Moses ama enyene se etiñde ye Pharaoh ke abaña afanikọñ emi ekedide mi, edi enye akada ke iso edidem onyuñ otop ntan ke ofum, emi akakabarede edi ntọñ onyuñ ofumede ke ofuri isọñ Egypt, edi ikosimke Goshen, okonyuñ anamde oyo ọtọñ. Ke akpanikọ Moses ye Aaron ema esaña ekanare ke ntọñ oro ñko, edi udọñ oyo oro ikanamke mmọ koro Abasi ekekpemede mmọ.

Mbia-idiọñ oro ikenyeneke odudu ndinam oyo okusim mmọ, ubiak emi ama anam mmọ eti-eti, ndien mmọ ikekemeke ndida ke iso Moses. Mmọ ekenam utom enọ andidiok ke ofuri esit, edi nso utip ke mmọ ekebo? Satan inamke owo onim nsu ke akpanikọ ikpọñ, edi ke ema ekanam ñkpọ enọ enye ke ofuri esit, enye ada ọkpọsọñ ukut ye mfina ekpe mmọ utip; ndien ke akpatre mmọ eyebo ata mkpọsọñ ubierikpe Abasi.

Ke kpukpru mme idomo emi, nnyin imekeme ndikut mbom Abasi ye mme anam-idiok. Enye akpakana emen ekikere mmọ efep ọkpọñ mmọ, me idighe akpakana Enye owot mmọ ini kiet, edi Enye okosuk ayak ifet ọnọ mmọ ete ekabare esit. Enye okosuk owut mmọ odudu ata Abasi, mbak mmọ edidọhọ ete ke ntak emi mmimọ ikatakde ekedi koro mmimọ mikọfiokke usuñ akpanikọ.

MME MBUME

1. Siak ọyọhọ ufen inañ, ọyọhọ ition ye ọyọhọ itiokiet.
2. Nte Abasi ekenyene ndida esañ nnam mme ufen edu?
3. Nso idi ntak emi nsuñ mikoduhe ke isọñ Goshen?
4. Nte nnyin imekeme ndinim eñwọñọ mme idiok owo ke akpanikọ?
5. Nso idi ntak emi utọ ufen oro okosimde mbio Egypt ke ini mme ufene ekekpañade?
6. Nso ikanam oyo osim mme owo?
7. Nte mbia-idiọñ ema ekeme ndinam oyo okusim mmọ?